



САМУРДИН

ссс

«Магъарамдхуьруьн район» МР-дин
общественно-политический газет.
Общественно-политическая газета
МР «Магарамакентский район».

ГОЛОС САМУРА

Газет 1951- йисалай акъатзава. № 18 (7997) киш, 2- май, 2020- йис. Къимет 6 манат

1- МАЙДИН СУВАР МУБАРАКРАЙ!

1-МАЙДИЗ чна гатфарин ва зегъметдин сувар къейд ийиз яргъал девирар я. И суварихъ девлетлу тарих ава ва ам вири дуньяда зегъметчийрин гегъени къатарин ихтиярар хуьнихъ галаз сигъ алакъада ава.

Майдин йикъахъ галаз чна са жерге агалкъунар алакълалу ийизва, месела, муьжуйд сятинин Квалахдин югъ, гъар гъафтеда ял ядай югъ гъа и йикъан къазанмишун яз гъисабзава.

Виликдай зегъметчийрин международный югъ яз къейдзавай и сувар къени зегъметчи халкъ тупламиш хъунин югъ яз ама. Ада тлебиат цлийи хъхъун, гележег хъсан ва гуьрчег жедайдахъ инанмишвал лишанлу ийизва.

За райондин вири агъалийриз гатфарин, гъакъикъи халкъдин сувар рикъин сидкъидай мубаракзава. Къуй квехъ вирибурухъ мягкем сагъвал, хизанда хушбахтвал, суварин гуьгъуьлар ва зегъметда агалкъунар хъурай.

«Магъарамдхуьруьн район»
муниципальный райондин къил,
Фарид Загъидинович
АГЪМЕДОВ.



Атана май,
Гуьзелрин пай.
Яргъал рекъер атлана.
Гъиле-цуьквер.
Клуфук ква хъвер
Свас хъиз цлийи члагана.
Цавар рахаз,
Чижер къугъваз,
Къуд пад ава цуькведа,
Шадзава рикъ.
Ийиз тебрик
Гатфар къацу лепеда.



ЧІЕХИ ГЪАЛИБВИЛИН 75 ЙИСАН ЮБИЛЕЙДИН КЪАРШИДИЗ

РИКІЕРА ЭБЕДИ ЯЗ АМУКЪДА

ГЪАПЦЕГЪРИН куьгъне хуьре дидедиз хъайи Вагъабов Ниязан аял вахтар лап четинбур хъана. Адан буба и дуьньядила фад финикди хизандин акъалт! тийидай дердияр адан хивез аватна. Ада малар, лапагар хвена, вичелай гъвечли стхадиз ва вахаз тлуьн-партал гун патал дидедиз вичелай алакьдайвал куьмекар гана.

Дяве башламишайла зегъметда лигим хъанвай Ниязни хуьруьн комсомолрихъ галаз хушуналди фронтдиз рекъе гъатна. Грузиядин Гори шегъерда жегъил аскервили курсара хъайи цуд йикъалай ам къати женгерин иштиракчи хъана.


Душмандихъ галаз сифте женгиниз Нияз Вагъабович Брянскдин патав экъечіна. И къати женгера чи аскерри чпин къастунал клевивал къалурна ва гитлерчийрин планар члурна. Гъа и женгина къалурай уьтквемвиляй Нияз Вагъабовичаз «За отвагу» медаль ва Верховный главнокомандованиедин Грамота гана.

Гуьгъуьнлай Вагъабов Нияз Фонинодин патав кыле фейи женгера, Смоленский областдин ва Белоруссиядин шегъерарни хуьрер душмандикай азад авур женгера дагъвидиз хас тирвал уьтквемвилелди иштиракна. Могилев шегъердин патав фашистрин десантдин аксина кыле фейи къати женг иллаки риклелай алат тийидайди хъана. Гъа и женгинай ада

Верховный командованиедин патай нубатдин награда къачуна.

Чи ватанэгълиди Белоруссиядин, Украинадин, Польшадин шегъерарни хуьрер душмандикай азад авур женгера иштиракна ва дяве Берлинда акъалтларна. Берлиндиз къван рехъ къезилди хъанач. Адал са шумудра хирер хъана, госпиталрани хъана, ахпа гъар сеферда женгиник экеч! хъийиз хъана. Женгера къалурай къагъриманвилерай виклегъ аскер «Ватандин дяведин» 1- дережадин ордендалди, гъак! цлудралди женгинин медалралди ва Верховный главнокомандующийдин грамотайралди лишанлу авуна.

Вагъабов Ниязан аскервили къллугъ Гъалибвал къазанмишайдалай къулухъни 8 вацра давам хъана. Къвализ хтайвалди ислегъ зегъметдик экеч! хъувуна. Ял ядай вахт авачир. Гила колхоз гуьнгъуна хтуна кланзавай. Гуьгъуьнлай хуьруьхъ галаз Цийи Гъапцегърал куьч хъайила 25 йи-



суз совхозда малдарвиле ківалахна, та пенсиядиз экъечідалди.

Нияз Вагъабовича вичин уьмуьрдин юлдашихъ галаз вад аял хвена чіехи авуна.

Гзаф фронтовикар хъиз, Чіехи Гъалибвили 70 йис къейдзавайла, фронтовик, комсомолец, зегъметдин зарбачи, дах, буба Вагъабов Нияз чи арада амач. Амма адан экуь къамат ам чидай вирибурун риклера эбеди яз амуькда. Ам кечмиш хъайидалай къулухъ гъар йисуз 9- Май фронтовикдин веледар, мукъва-кылияр, къуни-къуншияр кват! хъана хизандин сувар хъиз къаршиламишун члуриз тежедай адетдиз элкъвенва.



ХУЪРУЪН МАЙИШАТ

МАЙВАЧИВАЛ

ВАХТУНДА ГЪАЗУР ЖЕН

МАЙВАЧИВИЛИ эхиримжи йисара чи райондин экономикада къвердавай тайин тир чка къазва. Шаз райондин саларбанри ва къилдин ксари 80 агъзур тонндилаи виниз салан майваяр кватіна. Четинвилер гьалтзавай девирда ихътин бегъер кваті хъувун гъвечлі не-тижа туш. Им райондин майвачивал вилик тухун патал гегъенш мумкинвилер ава лагъай чал я.

Са кар рикел хкана кланда, салан майваяр фад битмишарзавайбурувай артухан хийирарни вахчуз жеда, вучиз лагъайтла майваяр базара багъаз гуда, государстводини вини къиметрай къабулда.

Алай вахт райондин майвачияр патал жавабдар вахт я. Цийи бегъердин бине кутадай йикъар алукунава. Бегъердин къисмет гъазур хъунилай, адан мягкем диб кутунилай гзаф аслу жеда. Алукунавай майдин вацра салара штилар кутаз башламишда. И жавабдар кваллахдиз хъсан тешкиллувал таъминарна кланда. Бул бегъер битмишарунин карда вахтунда ва хъсан ери аваз штилар гъазурунихъ еке метлеб ава. Гъавиляй саларбанри и месэладиз гзаф фикир гана кланда. Чил гъазурун, мумкинвилериз килигна ам гужлу авун къакъан бегъер патал женгинин эвел пай тирди фикирдай акъудмир. Адан къвед лагъай пай салара аклурнавай штилар эчелрикай михъуникай, азрахъни зиян гудай ашаратрихъ галаз женг члугуникай, алава ем гуникай, эхирни бегъер пучвилер авачиз кваті хъувуникай ибарат я.

Салан майвайрин виниз тир бегъерар битмишарунин карда агротехникадин истемишунар галай-галайвал къиле тухунихъ къетлен метлеб ава. Эгер салан майваяр гъасилун артухарунин жигъетдай агротехникадин истемишунар галай-галайвал къиле тухун тавуртла, гуъзлемишзавай бегъерарни къачуз жедач.

БАГЪМАНЧИВАЛ

ХЪСАН БЕГЪЕРДИН ЗАМИН

ГАТФАР вичин ихтиярда гъатнава. Ада багъманчийрин дердиярни артухарнава. Багълар цийи бегъердиз гъазурун патал гатфар жавабдар вахт я.

Тарарин пунариз пер ягъун, зиянлу гъашаратрин мукар тергун, герек авачир хилер атлун, ятар гудай хулар ремонт хъувун, цийи къелемар аклурун ибур вири вахтун истемишзавай серенжемар я. Вири и серенжемар багълара гатфарин сифте йикъарилай башламишна кланзавайбур я. Ингъе агротехникадин кваллахар тухудай вахт атанва. Кланзавайди багълар чешнелу гьалдиз гъун патал гъар са кваллах еридиди къилиз акъудун я.

Бегъер артухардай шартлрикай сад багълариз бес къадар яд гун я. Гатфариз бегъем яд агакъ тавур тарциз къурагъвили тади гуда. Ада емишар куълуъ, бегъер тлимил гунал гъида.

Багълара обрезка гъар йисуз тухузвай серенжем я. Къурай, азар квай, сад-садавай гуъцл жезвай хилер атлана кланда. Эгер тар къалин хилер алайди яз хъайитла, абур къери ийида, нетижада тарце гзаф экв, рагъ гъатдай мумкинвал

жезва. Гатфарин къвед лагъай варз алукузава. Цийи бегъердалди хейлин вахт ама. Гъар са йикъакай хийир къачун, багълара агротехникадин кваллахар вахтунда тамамарун къакъан бегъердин замин тирди багъманчийри фикирдай акъудна кландач.

Районда хуъруън майишатдин делилралди алай вахтунда карханайринни арендаторрин багълар 6 агъзур гектардилаи алатнава. Багъларни хъсан накъвар авай, дигиз жедай хъсан чилера кутунва.

Аквазвайвал, райондин руководство экономикадин дибдин хел багъманчивал вилик тухун, адан бегъерлувал хкажун патал алахъзава. Райондин руководстводин фикир гележегдани багъларин къадар артухарун, гъа са вахтунда гектардин бегъерлувал хкажун я.

УЪЗУЪМЧИВАЛ

КЪАКЪАН БЕГЪЕРДИН БИНЕ

АГЪАДИХЪ ихтилат уъзуъмчияр патал къетлен вахт алукуникай, уъзуъмлухра агротехникадин гъар са кваллах вахтунда тамамаруникай физва.

Ципицдин тегъенг гелкъуън истемишдай набатат я. Уъзуъмлухра агротехникадин гзаф кваллахар гатфарин вахтунал гьалтзава. Цийи бегъердин бине кутун патал къулай гъава авай гъар са йикъакай менфят къачун лазим я. Алатай йисуз районда санлай 13 400 тонндив агакъна ципицлар кватіна.

Районда уъзуъмри къунвай майданар йис-йисандавай артух жезва.

Р. МУРАДАЛИЕВ.

ДИКЪЕТ

ХАТАЛУ ВАХТ АЛУКЪНАВА

АДЕТ ТИРВАЛ, гъар йисуз цІаяр къунин хаталувал артух жезва. ХъуьтІуькай хкатнавай салар, багълар, къурухрин уьруьшар къурай веъикай, зир-зибилдикай михъиз цІаяр язава. Тамарин къерехрив къурухар гвай ксарин мукъаятсузвилини нетижада шумудни са сеферда тамари цІаяр къур дуьшуьшар малум я. Ихътин цІаяр къунар мукъвал-мукъвал Ярагърин, Целегуьнрин, Магъарамдхуьруьн, Къуйсунрин ва Гилийрин тамара дуьшуьш жезва. Тебиатдал феи инсанри цІаяр хъийизва, цІай туьхуьр тавунвай пІа пІрусрин къатІар гадарзава. ЦІаяр хаталу чкайрал авуни, абур тамавилелди хкадар тавуни, са гафуналди чи мукъаятсузвили еке зиянар арадал гъизва. Тамун патарив гвай хуьрерин агъалияр, абурин кІвалер хаталувилик акатзава.

Гъар йисуз Магъарамдхуьруьн лесничестводи са шумуд гектар чилел гъар жуьре жинсерин къелемар цаз тамар цІийи хъийизва. ИкІ алатай хемис юкъуз Къуйсунрин къилихъ галай 39- кварталда І500-2000-дав агакъна пипин къелемар цанва. Ярагъ-

къазмайрин пограничный зонадин къилихъ галай 5 гектар чилел кІеви жинсинин тарарин къелемар кутуна. Гъар зулухътай абур тумар, цилер кІватІиз Махачкъаладин лабораториядиз рекъе твазва ва гъанай рази жедай жаваб хтайла абур цазва. И карди артух харжияр галачиз жуван зегъметдалди къелемар



битмишардай мумкинвал гузва.

Магъарамдхуьруьн лесничестводи къуд райондин тамарал гуьзчивал тухузва ва абурхъ гелкъезва. ИкІ алай йисуз, Ахцегъиз мегъуьн, пипин, ясендин І200 къелем рекъе тунва. Лесничестводин гъар са работникдихъ гуьзчивал тухузвай участокар ава. Абур мукъвал-мукъвал физ патрул ийиз хкъезва. Участокда цІай къур дуьшуьшда гъасятда райондин лесничестводиз хабар агакъарзава. Лесничестводихъ яд авай ма-

шин ва цІай хкадарун патал герек тир вири алатар ва тадаракар ава. Чна гъар йисуз хуьрерин администрацийрин къилерихъ галаз договорар кутІунзава. Абурхъ галаз сигъ алакъаяр хуьз алахъзава. ЦІаяр къур дуьшуьшра чаз гъабур, хуьрерин агъалийри куьмекар гузва. Чи къуват

агакъ тийизвайла чна республикада авай пожарный центрдай куьмекдиз эверзава. ГъакІни общественный противопожарный бригадарни кардик ква.

Мад сеферда чакъ са тІалабун ава. Гъаваяр чими

хъуникди, хъач, цирин кІватІдайдени, ял ядайдени гзаф жезва-им адет я. ЦІай кутунвай зир-зибил кана алахъдалди гуьзчивал авун, хъувунвай цІай герек амачирла тамавилелди туьхуьрун, цІай квай пІа пІрусар гадар тавун инсанривай тІалабзавай истемишунар я. ТІалабда цІай къуна акур дуьшуьшра тади гъалда агъадихъ гузвай нумрадиз зенг авуна хабар гун; 8928-878- 25-24.

Магъарамдхуьруьн лесничество .

ДИН ва ИНСАН

* * *

АЛЛАГЪ дишегълидин зурба и ибадатхана чи эрадал къведалди 6-асирда эцигнай. Артемисиондин машгурвал акъван члехи тир хъи, Грециядин вири агъалийри чпин пулар гъана эцигиз хъана. Чи эрадал къведалди 356-йисан 21-июлдиз Герострата Артемидадин ибадатханадиз цлай яна. Гуьгъуьнлай ибадатхана гележегда Азия даяведалди къачур Александр Македонский хайи юкьуз кана лугъуз риваят акъатна. 25 йисалай Александр шегъердив агатайла адаз ибадатхана виликдай авай гъайбатлувилелди хкажиз клан хъхъана. Къвачел ахкъалдарунин кваллахриз регъбервал гузвай архитектор Дейногратадан виликан ақунар хвена, анжах дарамат гурарин кларариз ухшар авай мадни къакъан бинедалди хкажна.

Ибадатханади зурба майдан къазвай – 110-55 м, имарат къве жергедалди элкьурна

къунвай стунрин (абур 127 авай) къакъанвални гъейбатлуди тир – 18 метрдихъ агакънавай. Адан къав мармардин сахсийралди кевнавай. Имаратдин лайхлувилерикай сад дибдай саки инсандин буйдихъ агакъна нехиш атланвай шикилралди безетмишнавай 36 сокун тир. Артемисиондин шикилприн галереядихъни лап члехи машгурвал авай. И пак чкади римлянар атайлани цуьк ахъагъиз хъана.

263-йисуз Малый Азиядиз сухулмиш хъайи гатри ибадатхана тарашна, 391-йисуз Римдин империяда гзаф аллагъриз икрамун къадагъа авун нубатдин ягъун къун хъана.

Малум тирвал, гъеле мад къве асирда Артемидадиз ибадат авун давам хъана. Анжах залзала хъайидалай къулухъ и чка ичли хъана.

* * *

ШЕЙХ Агъмед Йесеви гъеле аял вахтарилай башламишна Мугъаммада къалурай рекъай физ алахъна. Пайгъамбар 63 йис хъайила кьейиди чизвай адаз вични гъа яшда аваз къин клан хъана, гъикл хъи, пайгъамбардила гзаф яшмиш хъун ада ВИЧ патал лайихсуз кар яз гъисабна. Амма ам къенач. Ада ВИЧ гележегда яшмиш жадай квал чилик туькьурун эмирна. Ада чилик квай и квалел ученикриз тарсарни гуз хъана.

Экуь дуьньядал экъечл хъийин тийиз ам и чилик мад 63 йисуз яшмиш хъхъана.

Йесевидин ученикрикай

сад тир вирида гъурметзавай сейид Мансур Ата са сеферда чилик квай малимдиз мугъман хъана. И чка акурла сифте адан риклиз гзаф дар хъана. Ахпа элкъвез-элкъвез хъсандиз тамашайла адаз и чка гегъенш бахча хъиз ақуна. Гъасятда адан фикирни дегиш хъана: «Аллагъди вичиз клани лукл садрани дарда твадач».

Къерехдила тамашайла ихътин члехи инсанри кечирмишзавайди азиатдик квай уьмуьр хъиз аквада, амма гъакъикъатда абур чеб патал ихътин уьмуьр абуру женнетдив гекъиззава.

Чирвал къачунин важиблувал

ЧИРВАЛ – им Аллагъди чаз ганвай виридалайни хъсан савкъват я. Гъа пишкешди инсандинни гъайвандин арада тафават твазва. Бес инсанрихъ галаз гекъигайла гъайванар, фикир авуниз ва чирвал къачуниз кьерех тушни? Гъайванар анжах чпин гъевесрин есирда ава. Гъавилияй, акъул авай, фагъумлу, чирвал къачуз алакъзавай инсанрай айиб амалар акъатайла, абур акъулсуз гъайванрилайни агъуз аватзава. Амма инсанривай Аллагъдин вилик чпин дережа хкажиз алакъзава, чаз Халикъди гзаф мумкинвилер ганва. Абурукай сад чирвал къачун я.

Пак тир Къуръанда илимдихъ ва чирвилерихъ галаз алакъалу 719 гаф ава. Мугъаммад пайгъамбардиз (салат ва салам хъуй адал) магъарада авайла Къуръандин сифте атай гаф «Икътра» тир, яни, им араб члалал «Кледа» лагъай гаф я.

Гъадисда лугъузза: «Чирвал къачуниз чалишмиш хъун – им гъар са мусурман итимдин ва дишегълидин буржи я».

Гъикъван чирвилер къачуз хъайитла, гъакъван инсандихъ агалкъунар жада.

**«АС-САЛАМ»
газетдай.**

ТАРИХ

ТАРИХДИН бязи чешмейри тестиқарзавайвал, Валерий Чкалова Кефер патан полюсдайд акъваз тавуна Америкадиз лув гун мах я. Чкалов хатадай Ванкувердиз акъатна. Советрин летчик Америкадин континентдиз акъатуниз са баъна, рехъ жагърун патал чи гъукуматди вичин летчикдикай инанмиш жадай хътин мах туькълурна.

ИОСИФ СТАЛИН. Джугашвили твар ада 1912- йисуз къабулна. Ихътин тварар адал вири къанни цлуд алай. Эхиримжи къанни вад йисан вахтунда вождуну гъич са манат пулни харжнач. Магазинриз эсиллагъ фидачир. Адан секретаррикай сад тир Борис Бажанова кхъенай: «Сталин гъа миша секин ва гъар са кваллах кыле тухуз алакъдай кас тир. Къадардилай гзаф кисай ва амалдар кас тир. Къисас вахчуз алахъдай кас тир. Садрани, садазни са затни гъалалдацир, я риклелайни алуддацир. 20 йисалайни къисас вахчудай.

АЛЕКСЕЙ СТАХАНОВАКАЙ 1935- йисуз социализмдин зегъметдин Игит хъана: малум тушир шахтерди са сменадин план 14 сеферда артух ацлурна. 50 йис алатайла малум хъайивал, и нетижа къалпди яз акъатна, гъикл хъи, Стаханован норма са шумуд касди тамамарнавайди тир. Гъукуматди гъа и саягъда уьлкведа зегъметдин бегъерлувал артухарун кьетина. Идахъ галаз сад хъиз Стаханован гъални хъсан хъана. 1936- йисуз адакай инструктор, са тлимил вахтарилай шахтадин начальник хъана. 1943- йисалай цливиндин промышленност-



дин Министерстводин аппаратда кваллахна. Дуланажагъни пис тушир: вацра 2000 манат мажиб къачузвай (юкъван мажиб 475 манат тир). Адаз къве машин авай. ВКП (б)- дин ЦК-да авай юлдашри Маленковаз кхъена: «Стахановахъ галаз хъайи

суьгъбетрай малум жезвайвал, ада саки са затни клелзавач, культурадин жигъетдай гуьгъуьна амукъзава... Чна адаз клелелай туьнбуьгъ авуна ва вичин уьмуьр цийикла туькълур хъувун, ресторанриз тлимил фин лазим тирди лагъана. Адан патав мукъвал-мукъвал вичин хуьруьнвияр къевезва, аквадай гъаларай абур са акъван хъсан инсанар туш, абур адавай жуьреба-жуьре чпин хсуси дердияр кылиз акъудун тлалабзава. Эгер адавай кылиз акъудиз тахъайтла, ам хуьруьнвияр, дустар риклелай алуднавай кас я лугъуз чинар кузва, адав эрекъ хъваз тазва».

МИХАИЛ ШОЛОХОВАН «Тихий Дон» роман чапдай акъатайдалай гуьгъуьнлиз ам члехи гъакимрин рикл алай кас хъана. Казакрин Вешенский станцияда вичин риклиз кландайвал яшамаш жез ацукъна. Шотландиядай ва Даниядай гъайи малар, хсуси самолет, Москвада хъсан квалер авай. Ам гъакл Ленинский, Сталинский, Нобелевский премийрин лауреатни тир. Бязи делилри шагъидвалзавайвал, «Тихий Дон» кхъейди Михаил Шолохов ваъ, Федор Крюков тир.



Тарихдикай материалар жуьреба-жуьре чешмейрай кватлайди-

Р. МУРАДАЛИЕВ я.

ЧТО НАДО ЗНАТЬ О КОРОНАВИРУСЕ



КОРОНАВИРУСНАЯ ИНФЕКЦИЯ – острое инфекционное вирусное заболевание, характеризующееся воспалением дыхательных путей, интоксикацией

ЗАРАЖЕНИЕ ПРОИСХОДИТ:

- воздушно-капельным путем
- контактно-бытовым путем (при попадании вируса на слизистые оболочки глаз, рта и носа)

ОСНОВНЫЕ СИМПТОМЫ:

повышение температуры
насморк
сухой кашель
слабость
головная боль
могут быть боли в горле
может быть жидкий стул



МЕРЫ ПРОФИЛАКТИКИ

- избегайте контактов с людьми с симптомами респираторной инфекции
- воздержитесь от посещения мест массового скопления людей
- используйте средства защиты органов дыхания (одноразовые медицинские маски) если контактируете с людьми с симптомами респираторной инфекции
- мойте руки с использованием мыла и антисептических средств на спиртовой основе как можно чаще, в том числе после посещения мест массового скопления людей
- не касайтесь глаз, рта и носа руками, если они не вымыты или не обработаны антисептиком
- употребляйте только термически обработанную пищу, бутилированную или кипяченую воду



Если Вы прибыли из страны, в которой регистрировались случаи инфекции, вызванной коронавирусом 2019-nCoV, то при появлении симптомов инфекционного заболевания незамедлительно обращайтесь за медицинской помощью, минимизировав контакты с окружающими (вызывайте скорую медицинскую помощь и сообщите диспетчеру, что вы посещали страну в которой регистрировались случаи инфекции, вызванной коронавирусом 2019-nCoV).

50 гуьзёлдин тівар

з	и	я	н	а	з	уь	а	р	и	и	р	а	т	и	
а	ф	т	и	а	м	л	уь	г	с	а	б	з	а	м	
у	р	и	с	р	а	и	л	а	а	ф	д	а	м	а	
а	в	а	м	а	ш	а	в	з	д	а	и	м	э	с	
т	и	т	е	п	м	у	м	а	а	а	и	и	н	а	
и	е	р	р	а	ш	в	а	р	з	гъ	а	р	и	ш	
л	л	а	и	н	а	е	т	и	я	т	ш	и	н	а	
з	е	т	з	и	м	н	е	б	а	т	и	з	и	г	т
а	а	д	а	м	у	к	и	з	ф	и	м	а	р	а	
р	е	с	з	а	и	л	и	л	а	гъ	и	р	и	н	
з	м	е	а	т	а	х	с	э	г	в	з	а	и	р	
а	а	л	н	а	и	л	л	уь	а	а	и	и	а		
н	и	и	с	е	а	а	е	р	ж	т	т	а	к		
е	р	з	в	е	з	и	гъ	б	л	и	д	я	и	р	
т	гъ	уь	к	э	б	и	б	а	й	и	х	а	а	у	
а	а	т	уь	л	а	с	а	е	м	а	и	и	д	и	
н	р	и	м	ь	и	ш	а	гъ	и	а	е	р	а	з	
и	м	а	г	уь	л	уь	и	р	д	с	л	м	ф	а	
з	а	т	м	а	т	д	я	и	а	з	у	а	б	й	
и	к	р	а	л	уь	г	а	с	т	я	и	р	а	и	

ЧИ ХАЛКЪДИН КАМАЛЛУ МИСАЛАР

*Авай гаф чинал лугъудай душмандикай ваъ, чинал чин чуьхуьдай дустуникай кичле хьухь.

*Акъуллубур чеб- чпихъ га-лаз душман жедач, ахмакъбур дуст жедач. *Алчахдикай дуст къадайди вич алчах я.

*Ахмакъ дустунилай акъуллу душман хъсан я.

*Беъема итимди дустар къадач, адаз дустар жаъида.

*Беъемсуз дуст жедалди тек амукъун хъсан я.

*Бурж вугудайла-дуст, бурж къахчудайла-душман.

*Буьркьюьди буьркьюьдан дуст жеда.

*Вафасуз дуст авайдаз душман герек туш.

*Ви душман кланзавайдаз вун кланзава.

*Ви душмандин душман ви дуст я.

*Вири крарин цийидалай, дустунин куьгънеди хъсан я.

*Виш дуст тлимил я, са душман- гзаф.

*Виш манатдила са дуст хъсан я.

*Гуьрметди гуьрмет къазанмишда.

*Дуст авачирди беъем инсан туш.

*Дуст атайла, шадвал чуьнуьхмир.

КАМАЛЛУЙРИН МЕСЛЯТАР

*Эгер куьн гъахъ туштла, и кар чуьнуьх тавуна хиве яхъ.

*Суьгъбетчидихъ яб акализ вердишара. Ада вичикай суьгъбет ийидайвал руьгъламиша.

*Маса касдиз гзаф рахадай мумкинвал це, адан суьгъбет къатлмир ва жуь тлимил рахаз ча-лишмиш хьухъ.

*Куьне лагъай фикир патав гвайдаз вичинди хъиз гъисабдай мумкинвал це.

**Къилин редактор
А.А. ИСМАИЛОВ.**

Учредитель: Администрация муниципального района «Магарамкентский район».

Адрес: 368780. РД, Магарамдхуьруьн район, Магарамдхуьр, Гагаринан куьче, 2.

Редакциядин адрес:
368780. РД, Магарамд-хуьруьн район, Мага-рамдхуьр, Ленинан куьче.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Газетдин регистрацийдин нумра- Д 0174

Газет гъафтеда садра акъатзава.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магарамдхуьруьн район, Магарамдхуьр, Ленинан куьче. Лезги члал.

Индекс 63340. Тираж 1400
Заказ № 18

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+